



uMdu

Bonganjalo Mduduzi Mthiyane
*26.05.1992 +26.11.2015



SIYALILA | WIR TRAUERN

IHubo lomndeni

- iHubo likaNtabayezulu, uMkhulunyelwa kaSomcuba [1918-1990], uMkhulu woMdu nabakwabo, aye walikhuleka nanomndeni nabazukulu bakhe eJalimane [1986]
– *iHubo lekhulu namashumi amabili nanye [Hub 121]:*

Ngenyusa amehlo, ngisinga izintaba.
Usizo lwami luyovelaphi na?

*Usizo lwami luvela kuSmakade,
yena owadala izulu, wadala umhlaba!*

Akaluvumeli unyawo lwakho lusehelele;
Umelusi wakho akalokothi ozele.
Phinde! Akozeli, akalali!
Nguyena-melusi kalzrayeli lo!

*Usizo lwami luvela kuSmakade,
yena owadala izulu, wadala umhlaba!*

Nguyena uSmakade okuhlengayo.
Ungumthunzi – uyisiphephelo sakho nxazonke!
Ilanga alisoze lakuhangula emini,
Nonyezi ebusuku awusoze wakushisa.

*Usizo lwami luvela kuSmakade,
yena owadala izulu, wadala umhlaba!*

USmakade uyokuvikela kukho konke okubi;
Uyokulondolozela ukuphila kwakho.

**USmakade uyokwálusa
lapho uphuma
nalapho ungena
manje naphakade kwaphakade.
Ameni!**

+

UJohani 13,34+35

(UJesu uthi):

Ngininika nanku umyalo omusha, othi:

Thandanani!

Kufanele ukuba nani nithandane

ngalolo luthando enginithandé ngalo.

Wonke umuntu uyonazi njengabafundi bami

uma nithandana.

+

UJohani 15,1.4+5a.10

(UJesu uthi):

Mina ngingumvini wempela; uBaba ungumlimi.

Hlalani kimi, nami ngihlale kini.

Igatsha lingethele ngokwalo;

Lithela kuphela uma limilé emvinini.

Kanjalo-ke nani

Ningethele uma ningahlali nikimi.

Mina ngingumvini;

nina ningamagatsha.

Uma nigcina imiyalo yami,

niyohlala othandweni lwami;

njengalokhu nami ngiyigcinile imiyalo kaBaba,

ngihlála othandweni lwakhe.

+

Incwadi yokuqala uPhawuli ayilobela ibandla laseKhorinte [1 Kor]:

uThando

Noma ngikhuluma izilwimi ngezilwimi

- ezabantu ngisho nezezingilosu –

kodwa

uma ngingenalo uthando,

ngifana nethusi elikhencezayo,

ngizwakala njengokuyinsinjana

okuzikhenqezelelayo-nje.

Noma nginesiphiwo esingandile
sokuba ngumphrofethi;
ngishumayele,
ngiqonde izimfihlakalo zonkana;
noma ngingaba nolwazi lonke,
ngibe nokholo olunamandla amakhulu –
olukwazi ngisho nokugudlula izintaba,
kepha uma ngingenalo uthando,
kusho ukuthi anginto-yalutho.

Noma ngikwaba konke enginakho
ukuze kondliwe abampofu;
noma-ke ngizidel' amathambo,
ngishiswe ngamalangabi omlilo,
kodwa uma ngingenalo uthando,
ngeke kungisize ngalutho konke lokho.

Uthando luhlala lubekezela.
Lunomus' uthando; alunamhawu.
Uthando aluzigabisi,
aluzikhukhumezi;

aluziphathi ngendlela engafanele;
alugodli, luziphandele kwesalo;
alucasuki, lufutheke ngolaka;
alubambi-magqubu uma loniwe;

aluthokozi ngokungalungile
kepha luyakujabulela okuyiqiniso.
Lubekezelela izinto zonke,
lukholwa yizinto zonke,
lwethemba izinto zonke,
lunyamezelela izinto zonke.

Uthando alupheli nanini nanini.
Kuyophela isiphiwo sokuphrofetha,
kunqamuke nesokukhuluma ngezilimi,
kukhawuke esolwazi, siphela.

+

Ulwazi lwethu luyinto engaphelele,
nokuphrofetha kwethu akuphelele;
uma-ke sekuvela okupheleleyo,
Kuyokhawuka konke okungaphelele.

Ngisemncane

ngangikhulumisa okwengane,
umqondo wami
kwakuwumqondo wengane;
ngangicabangisa okwengane.

Kwathi-ke sengikhulile,
ngayeka ukwenzisa okwengane.

Manje izinto sisazibona njengasesibukweni –
zibonakala kalufifi, ziyinkinga;
ngale-ke kodwa
siyozibona njengoba zinjalo.
Manje ulwazi lwami aluphelele,
kwelizayo ngiyokwazi konke kahle
njengalokhu nami iNkosi ingazi kahle.

Manje-ke kumiswé lokhu kokuthathu:
ukukholwa nethemba nothando;
okukhulu kukho konke luthando!

+

iHubo lamashumi amabili nantathu [Hub 23]

USmakade ungumalusi wami;
angiyukweswela.

Ungilalisa phansi ngiphumule
edlelweni elimahlungu aluhlaza;
angiqhubele emithonjeni yamanzi acwebile.

Uvuselela umphefumulo wami, uphile;
angichushise emikhondweni yokulunga,

libabazeke igama lakhe.

Nòma ngingaphambukela ezingoxingoxini,
ngihlwathuze kuhle kodabula ethunzini lokufa,
angiyukwesaba;
ingani phela wena, Smakade, unami,
uphethe induku nobhoko – ngimi isibindi!

USmakade uyangihlabisa, angenzele idili, ngibuse;
zihlabeke izitha zami.
Uyangivunulisa, angihlobise ngiconse!
Ungiphisela imbiza, ngiphuze ngidele!

Okuhle nothando
kuyongithungatha ukuphila kwami konke.
Ngiyohlala emzini kaSmakade phakade naphakade!
Ameni!



*IViyo leziKhuthali
oBanjiswaneni lokuHumusha
nokuBhala kabusha iBhaybheli ngesiZulu
elaziwa ngelithi yi-[“Biblia Zuluensis”](#)*